




PL  
2705  
.J21








紅  
山  
蕉  
詞

長沙葉德輝署檢





Digitized by the Internet Archive  
in 2009 with funding from  
Ontario Council of University Libraries

<http://www.archive.org/details/hongjiaoci00jian>

YORK UNIVERSITY


JUL 03 2001

EAST ASIAN STUDIES

紅蕉詞

長沙葉德輝署檢





長沙葉德輝署錄

江表記





UNIVERSITY OF TORONTO  
JUL 8 0 300  
MCCLELLAN LIBRARY

印鑑記

長沙葉德輝書



永味玉為朝陽室






永味云為朝撫聖所

元和江氏師無室刊



紅蕉詞題詞



元和袁寶璜寄喆

豔絕生花筆一枝雅宜紅袖寫烏絲  
回頭海上三山影腸斷金荃本事詩  
竹垞堇浦錢衍石詞人例作  
嶺南游嶺南游客江南夢付與紅蕉一段秋

績谿程秉釗蒲孫

劉月鐫雲筆一枝晨研奇字夕填詞  
金門賦後幽棲

賦蹤迹分明似釣師君詞頗近竹垞因用大著一翦梅意善頌禱之嶺海

聯吟歲又深雕蟲觸我廿年心  
一錢不值吾家事敢

向天涯覓賞音拙句多不收拾君及郎亭學使屢勸付梓

武進屠寄敬山

素冠過領憂難忘寶劍歸裝興未闌敬禮小文宜潤

飾

儼文數首

求君點定總持側體謝譏彈

荷香湖上鈔書日

瓜熟牀頭中酒時

用原作一剪梅臨江仙詞意

自是江郎工恨別

銀刀玉印總相思

水榭長廊綺閣連方壺圓嶠在

人間南皮瓜李成追憶剝盡紅蕉又一年

高陽臺

上海孫文詒燕秋

為淚啼香蘭愁鎖夢瓊箋豔譜紅蕉傷別傷春間情  
翦付鴛綃文波隔斷相思路悵芳蹤瘦損蠻腰恨迢



迢蓬島停雲淞浦迴潮  
青衫我亦嗟淪落聽啼珠  
怨玉總惹魂銷柳色青青天涯誰寄長條東風吹醒  
樊川夢算從前嫩約都拋感香巢鳳泊鸞飄水遠  
遙

寶應王壽卿雲棲

齊州粵嶠總前游記否當年寫韻樓  
猶有大唐韞束在夢魂飛繞海東頭  
風懷如許少人知天與生花筆  
一枝蕉葉心多難細剝漫將幽怨付新詞

柳長春

金匱鄒弢瘦鶴

幽恨絲絲離愁冒冒春風祇許江郎管卻從何處證  
靈修春花穠豔秋花怨密約初拋墜歡重眷天涯  
幾許人腸斷新詞展讀意闌珊儂心好比蕉心卷



余十六七時嘗學詞於陽湖呂鶴緣丈金匱華遂秋  
舅氏凡花庵草堂諸刻無一日廢也弱冠後意為輯  
錄之學且奔走楚粵齊魯間不暇考聲律丁亥歲莫  
復來嶺南戊子正月羅浮舟中檢篋得諸名公詞愛  
而效之三日得四十餘闋并去夏在珠崖之作共得  
五十二闋刪錄三十六首名之曰紅蕉志廣南作也  
詞多無題從竹垞翁琴趣龔定公無著詞例也呂丈  
既遠在津門舅氏已撤瑟百日標亦十許年來負米  
南北希識兩公顏笑久矣人事變遷可慨也夫

光緒十四年戊子人日元和江標建霞記於惠州使

院



紅蕉詞

元和江標

菩薩蠻

玉鏤飛鳳銀屏小  
畫羅帳卷春雲曉  
繚亂海棠絲  
還移明鏡遲  
無言成獨坐  
底事慵梳裏  
簾外鷓鴣啼  
泥金褪舞衣

天涯只合多飛絮  
化萍還向天涯去  
妾命不如他  
終年彎兩蛾  
大隄音信絕  
夢裏剛離別  
雙燕入簾來  
故園花正開

藕絲切斷玲瓏玉  
蕉心捲破歲華綠  
水閣已秋風  
屏山幾曲紅  
湘簾三面靜  
團扇相思影  
晚檻月微涼

開簾吹鬢香

鴛鴦雙護流蘇冷  
蘭膏夜瀉秋蛾醒  
梧葉打窗輕高樓  
過雁聲  
羅衾圍好夢  
寒壓霜華重  
夢竟到遼西  
難教郎便歸

玉樓一夜瓊花影  
圍鑪火煖儂心冷  
相別早春時  
今看豈暫離  
釵頭寒翠鳳  
昨夜銀瓶凍  
暗起卜燈花  
隔牆啼曉鴉

東簾晝永銅螭靜  
牡丹屏寫黃荃影  
今日有誰來  
狸奴洗面纔  
葡萄天馬鏡  
鬪畫雙眉靚  
窗底惜餘明  
鴛鴦催繡成



銀荷暈小釭花紫黃昏已近  
鑪煙膩滿地是梨花春  
風狂太差  
雙鬟金鳳小卸卻殘粧早翠被不勝寒  
熏籠夢合歡

玉函四疊蟠飛鳳齊梁樂府工成誦難得董嬌嬈高  
堂挾瑟邀  
從今休識字好把聰明諱多恐諱聰明  
新愁依舊生

錦奩雙陸紅牙促彈棋譜熟翻新局隔院簸錢聲空  
階草亂青  
琵琶和淚抱悶煞檀槽小牆內有秋千  
春騎墮玉鞭

春來燕子生愁種玳梁棲穩濃雙夢陌上過香車間

庭落杏花

綠羅金鳳縷欲理無頭緒豈是耐愁多

心情便改麼

羅敷媚

尋常一夜檐前雨本是相思更是相思無奈今宵夢  
醒時天涯我亦飄零久孤枕寒支嬾自填詞多恐  
秋霜上鬢絲

望江南

人何處明月冷琅玕一桁湘簾三面雪半簌秋鏡六  
朝山那不憶風鬟

相見歡



今朝早起梳頭換香篝應是昨宵有約上蘭舟  
勻面了兜鞵好下東樓走向人前又說不同游

真珠簾

從吳夢窗體

濛濛簾外江南雨悶得愁懷如許開盡隔牆花儘惜  
惜庭戶乳燕嬌鶯都懊惱鎮做就相思新譜何苦最  
長隄飛絮可堪無主將近陌上清明歎華年心事  
邀誰同訴自分老天涯又不甘浪詛料理文章留事  
業看鬢絲尚非遲暮休去待燭底傳書梅邊寄語

踏莎行

水驛鐙紅寒衾夢瘦阿儂聽慣長宵漏隔江人語不

分明須知總是愁時候  
銀燭銷殘茶煙冷透相思  
已是銷磨夠江南恐有未眠人背燈定自喃喃咒  
憶舊游

看綠波如畫棠檠輕搖載得愁來拂面東風緊正豐  
韶乍卸錦幄初開聽冷一宵細雨銀燭半成灰恨此  
去前程孤蓬瘦驛何計安排  
難挨記前度是韻闌  
尖叉語妙詼諧醉寫迷春句有冰蟾窺寢赤燕投懷  
雙鬢依然濃綠一笑又天涯翻添得新詞歸時寫出  
留與猜

虞美人



玻璃窗子雙鉤橘不似簾兒隔去時相見兩含情可  
惜對窗細語不聞聲 海蘭新寫春風面持贈天涯  
便箇儂近已到蓬萊好托一絲兒綫寄聲回

一翦梅

從吳夢窗體

買得三弓湖上山種滿垂楊護盡紅蘭高樓四面傍  
湖邊十里荷花香上闌干 萬卷琳琅插架寬玉印  
金敦古籀千言主人朝起細摹看新為鈔書添得雙

鬟

柳梢青

別未多時見還非少鎮自相思明月東墻梨花舊院

又是來遲 早知此後如斯悔當日無心見伊閑卻  
紗窗展開錦被休再題詞

洞仙詞

蕭蕭絡緯恁秋風未起已向階前絮愁矣正箇儂睡  
醒好夢惺忪鎮無奈盡燭羅屏窗底耐人追憶處  
四角流蘇雙笑濃情鏡心裏屈指已經年忍展生綃  
好記取生生死死早知道斯愁少完時悔當日相逢  
不曾如此

臨江仙 仿吳山尊體

記得玉羅窗子下翦燈自界烏絲朝來臨得上清碑



不甘羞晚弱偏說爾非師  
借得湘蘭新譜好開函  
教仿雙枝試將並蒂細描伊  
靈心先料著翻問寄將  
誰

記得橫塘雙槳疾一鐙雲母船  
窗晚風添得一絲涼  
春寒容易受繡領護鴛鴦  
力薄松醪偏早醉倦擡  
錫眼波雙迴腰先近合歡牀  
懶教翻翠被休便脫羅  
裳

記得藤牀閒話夜兩鬟魚子蘭  
香銀刀新破綠瓜瓢  
會知儂酒渴故意倩先嘗  
今夜蓮籌偏緩緩月明  
尚在紗窗彈碁嫌急鬪  
茶忙不如攜手去池上納新

涼

記得一簾新綠淨牙籤理向蘭窗紅絲小印押新裝  
元鈔秋月補宋刻絳雲藏錦拾枏樹三十種千行  
甲乙排將新從海外得函雙畫圖櫻後院經卷藤三

孃

藤仄  
讀

默絳唇

香盡茶冰問誰料理黃昏事嫩涼天氣只好和衣睡  
別院銀鐙照透盈盈淚知誰慰枕綃紅膩索性將  
愁諱

玉團兒



而今無分同鴛牒惟記取當年鴻雪一握柔荑十行  
細楷猶記贈別 茗谿春水迎桃葉好花底一生雙  
活儂自尋春卿休怨綠此意永訣

洞仙謠 仿竹垞翁體

六街鐙火有雲車雙駛拂面花枝豔桃李正釵痕側  
彈扇影圓兜猶記得一握柔情似水 高樓容我坐  
自拂桃笙笑撥鑪灰學奇字玉漏已頻催故意疑人  
道尚是二更天氣又重試新茶與儂嘗問蓮子多心  
可同滋味

滿城風雨者江頭重到畫閣悵悵赴新約 叶 看唐梯

幾曲絳蠟更番已認識往日曾經雙照  
勝常慵起問先寫新詩道是秋涼脫橐初低首訴離情試揭菱  
花笑久矣光昏塵飽原不分劉郎復歸來真恨補情  
天月圓愁島

袖中何物信十分愛好留得生綃寫儂貌恨丹青儘  
麗難畫幽懷空記得十八風鬟窈窕此情誰與訴  
花底惺忪聊託雲和寄懷抱帶向枕函邊試撰新詞  
奈一夜柔情顛倒苦聞說明日又征帆但和淚親題  
只般草草

東君去也望蓬萊山色滄海西頭北風急憶雲廊對



坐看寫唐經端可惜一卷華嚴未索 芝罘山下路  
莫寄雙鱗空自殷勤賦瑤瑟忍自展吳綃小喚真真  
或果也翩然而入誰知道此愁永難償任燕去鴻來  
更無消息

孝廉船到說淞濱遺事道是蕭孃已歸矣望神田山  
遠札木町荒從此後好把風懷收起 一函開錦笈  
料理裝池更乞題詞滿餘紙翻幸貌崔徽留得螺痕  
認幾滴當時清淚便攜著鐙前細重看當月下初逢  
樓頭再至

尋春無意惱豪絲脆竹誰解閒愁滿千斛訝玉簫再

世重到人間又誰料破鏡一時圓復挑鐙濃笑處  
入握纖腰猶見臨風妙裝束滿壁認留題盡是檀郎  
尚初見贈伊雲幅惟添得聯詞妙簪花有鴛水清才  
北齊名族

鴛鴦牒緊忽罡風吹徧萬樹天桃謝庭院算華嚴劫  
換瓊島春歸只可惜此去無時重見浦江東去路  
多謝鶯媒容得孤鸞託籬畔有客是黃衫奪得紅綃  
不終使紫釵長怨我從此千愁任蠲將待譜出新聲  
懺除舊願

鸚湖水碧看錦帆幾摺載得西施入東越正腰圍瘦



削好配瓊枝同夢裏暖得一丸殘月  
從來佳事少了卻相思記補微之更無別留得半函花寫恨題歡  
當持贈沈郎行篋只此際蕭郎路人看儘君夢雙飛  
我栽獨活

憶秦娥

紗窗黑知心小婢銀鐙剔銀鐙剔不如吹息淚痕猶  
澹隔墻庭院誰家宅誰人吹破霜中笛霜中笛儘  
教哀怨問誰知得

醜奴兒

脂簌粉盞宣蜜製鬪茗雞缸鬪酒犀觴紅玉磁鑪海

外香 新收小卷湘蘭畫水繪裝潢東澗收藏押尾  
前朝薛潤孃



鶴  
緣  
詞

長沙葉德輝署檢

元和江氏師鄒室刊



鶴緣詞

陽湖呂耀斗

虞美人

花西月墜涼鎧白殘夢輕於翼一分秋已上眉頭不  
知夢中還有幾分愁曉風窄地窺簾隙別恨枕笙  
識芭蕉貪做一窗陰忘卻清霜葉葉碎秋心

前調

黃梅一例纖纖雨分外添淒楚泥衾絮煞一鎧嬌不  
信人間還有可憐宵夢兒慣把人調哄拚得都無  
夢握更滋味上心頭瘦盡鑪煙終覺不成秋

前調

今年恁地人蕉萃病裏春如醉午陰孤館夢回時疏  
幔茶煙剛襯柳絲絲添衣量藥無人顧花底憑誰  
訴客中燕子自無情那能替人憐惜到飄零

浣溪沙

罨戶蛛羅鏤細塵紅牆深處近流鶯絲絲夢雨玉簫  
聲柳絮競飛連日暖桃花嬌助一分晴畫簾燕子

過清明

醉花陰

藥鉞絲絲煙一暈攬得鑪香嫩移燭枕函邊六六燈  
屏著箇秋來影刻襪怯侵瑤沓冷銀箭捱更永箇



樣可憐宵斗帳低垂人共鶉鶉醒

南柯子

蓮子星前碧蕉心雨裏紅天涯不耐五更風可是淒涼一樣到伊儂  
淚漬偎涼慣愁多替夢重便成睡去也匆匆索性疏鐘斜月各惺忪

少年游

笙歌深巷月華勝水到處少人行青漆門邊丁香似雪低照粉牆陰  
共君側帽天街畔風露近三更歸夢相邀青山影裏吹笛柳冥冥

南鄉子

客榜又天涯翠被鄉愁一倍賒生怕東風攔夢住瞞  
他侵曉偷隨燕到家愁憶小窗紗寶幔沈沈玉篆  
斜月又無聊人又睡寒些門掩紅梨一樹花

前調

水樣夢初醒半穗燈花瘦不青索性起吹燈滅影冥  
冥綠閃虛檐那角星病骨忒伶俜一摺吟魂熨簾  
冰竹外又聽疏雨過泠泠次第秋寒到畫屏

洞仙歌

翠霞缺處有柳嬌花困青玉重門鎖芳訊更虛亭晝  
掩冷霧絲絲流水裏依約棋聲人影仙源真不遠



猿鶴將迎也學秦人笑相問待醉眠花一晌雲深被  
雲外暖笙吹醒恁辜地東風妒湘桃又添得人間素  
塵一寸

減字木蘭花

杜鵑知得判斷東風無信息妒殺江潮來往垂虹廿  
四橋倩魂甚處夢裏朝華今又去無力楊枝不為  
游驄繫少時

前調

明朝初七風雨可憐吹竟夕後會分明早已離愁一  
半生聲聲咽露秋在牽牛花上語莫怨今秋那見

鴛鴦會白頭

柳梢青

回首淒然隔江烽火聽絕哀絃借得圖書租成風月  
雞犬都仙 庾郎昨夜尊前甚瑟瑟疏楊暮煙中酒  
心情阻風滋味怎過年年

蘇幕遮

試香葦商鈿葉怯怯心情未慣人憐惜學勸金尊無  
氣力酒暈梨渦紅過春衫襯 笛聲寒釵語隔道是  
生疎卻也曾相識小札瑤璫何處覓待倩花梢雙燕  
殷勤說



前調

燕銜花蜂落絮如此關山夢卻都難度三載飄零春  
又去但見春歸那有儂歸路望吳雲尋越樹臨水  
登高總是傷心處落照平蕪天又暮門外鴉啼不爲  
愁人住

前調

溼鴛綃寒麝炷一樣今宵拋卻春三五別後月圓知  
幾度不信天涯猶有團樂處卜金錢裁尺素鵲語  
燈花總是無憑據五月江城書到否扶病開絨一枕  
黃梅雨

人月圓

噉噉小病垂簾地倚枕怯春寒月明燈炧花陰無賴  
還上闌干 麝巾暗解螺盃偷遞一晌追歡露濃香  
細銀屏刻襪何日同看

天仙子

睡起捲簾無意緒刻地東風春又去悵悵庭院没人  
行香半炷茶初煮細數落花間過午 錦瑟橫塘腸  
斷路依約夢痕無覓處春歸若肯到伊家花底語香  
邊句萬一流鶯還記取

滿江紅



一翦紅藤倩誰寫銀鈎團扇還記取蠻紗窗下那回  
初見眉葉黛勻新衣淺靨花香著春醒暖恁畫中小  
劇鏡中癡東風短 瑤璫寄空相券珠彊約翻成怨  
奈夢隨春去鈿衫人遠翠檻雲涼鸚母睡繡屏香重  
狸奴懶祇粉巾留得唾脂斑星前看

前調

曉枕啼鶯剛夢到謝家庭院聽水樣房櫳曲處鈿簫  
低喚簾幙語通香篆細秋千影隔東風軟正湘桃花  
底教鸚哥春愁淺 蕭郎鬢年年換真珠字題都徧  
恁新詞琢就相思難遣懷裏綠筠明減淚奩中紅豆

團欒懺又鯉魚風信到江南傳榆慣

醉落魄

新涼簾幙桐陰冰簟人初覺繡檀微度羅衣薄十二  
針樓誰理舊絃索 薔薇花底曾留約蘅蕪又到闌  
干角蛛羅費盡絲絲絡天末歸期斜月畫樓落

更漏子

剔銀缸弄明月枕畔紅冰慣結碧海近赤欄遙歸期  
雙翠翹 八行書千里雁寂寂穿鍼庭院眉樣窄腰  
圍寬越羅和夢單

撥香灰



青鸞鏡裏長相見歡恨還參半斑駁一去太匆匆只  
有淚珠雙繫在東風 重重密約渾難定兩地分飛  
影思量何事不消魂第一翦燈深話月當門

蝶戀花

蓬山只在傷春處不隔天涯但隔梨花雨多分日長  
無意緒紅樓一角斜陽暮 今日鞭絲慵再駐簾底  
分明強道匆匆去擡眼畫橋楊柳樹年時拍扇兜香  
絮

買陂塘

驀相逢玉清瑤伴情天兒起離緒生桑幾見蓬池劫

都付紫鸞笙譜愁絕處便懺爾生天也恐嬌難住絳  
霄慣阻認水樣瓊樓碧迢迢裏容易黃顏暮東風  
驟吹墮苔華如許秦臺零落珠樹牒痕芳草分明在  
點點斜陽紅雨花底語問花上流鶯和夢都無據斷  
簫慢訴指那角闌干共伊憑後十載冒飛絮

祝英臺近

畫船歸瑤笛斷淚眼碧波凍今歲天涯賺盡燕鶯夢  
有誰扶醉湖南玉鈎斜路只腸斷夕陽相送倩痕  
重任他芳草橫陳屐邊忍輕弄怕有離情猶戀淺香  
冢只恐留得愁根東風多事又吹出情苗恨種



臺城路

玉溪悄悄重門路崔郎馬蹄來又籬角蕪青畦稜絮  
白頓失亂紅吹繡流鶯去後賸燕子泥墻清明廝守  
記取鷗邊一株倩影怯相就 人生容易感舊疊東  
風萬恨都付絲柳流水香消題詩人老淚滿當前尊  
酒花還怨否看名士傾城總難回首一例將愁夕煙  
芳草瘦

前調

夜來孤館無眠慣雨聲更催天曙著戶簾開敲窗燭  
暗儘意將愁來絮離情幾許祇枕淚衾薰自家將護



拍遍蓮根暗中寫就斷腸句 分明故鄉怨緒怎文  
園善病誰分霸旅可憶年時空階點滴不似者番淒  
楚夢兒歸去問畫尺聲中今宵寒否燕子簷花語儂  
鐙畔語

滿庭芳

啼鴉留春游絲惹夢天涯又閨清明夜深人靜獨向  
六街行月裏幽坊如畫那門邊猶度歌聲問誰傍尊  
前揷笛還似訴儂情 廿年前舊夢柳枝共挽私語  
調鶯鶯東風回首賸我飄零料得小坟今夜映梨花  
一樹冥冥可能把斷腸調句月下念教聽







